

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
PRITVOR!
KANTONALNO TUŽILAŠTVO – TUŽITELJSTVO
ZENIČKO - DOBOJSKOG KANTONA
Z E N I Č A
Broj: T04 0 KT 0066194 25
Zenica, 29.12.2025. godine

OPĆINSKOM SUDU U ZENICI
-Sudiji za prethodno saslušanje –

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

O P T U Ž N I C U

Protiv,

Đ. E. ..., osuđivan presudom Općinskog suda u ... broj:... (pravosnažna dana 26.09.2024. godine) za krivično djelo iz člana 326. stav 1. KZ 11 RH (protuzakonito ulaženje, kretanje i boravak u RH) na kaznu zatvora u trajanju od 7 (sedam) mjeseci, uvjetno 11 (jedanaest) mjeseci, uvjet 2 (dvije) godine, koji je lišen slobode dana 21.10.2025. godine u 15,50 sati, nalazi se u pritvoru po Rješenju Općinskog suda u ... broj: ... od 23.10.2025. godine, a koji pritvor mu je produžen Rješenjem Općinskog suda u broj: ... od 19.11.2025. godine i koji pritvor traje do 21.01.2026. godine do 15,50 sati, koga brani Biberović Alma, advokat iz Sarajeva;

što je,

dana 21.10.2025. godine, na području grada Zenica, u mjestu ..., suprotno odredbama člana 4. stav 1., 2., 3. i 4., i člana 19. i 20. Zakona o sprečavanju i suzbijanju zloupotrebe opojnih droga BiH, iako je bi svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao opojnu drogu i to: 10 pvc vakuumskih paketa u kojima se nalazi zelena biljna materija, neto težina: 98,268 grama, 99,998 grama, 98,800 grama, 98,849 grama, 98,897 grama, 100,062 grama, 98,848 grama, 98,669 grama, 98,579 grama i 98,884 grama, jedan pvc paketić zavezan u čvor sa sadržajem zelene biljne materije, neto težine 2,087 grama, jednu pvc vakuum vrećica u kojoj se nalaze dva pvc pakiranja sa sadržajem zelene biljne materije, neto težina: 6,104 grama i 6,065 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), identično kao „Cannabis“, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom i jedan pvc vakuumski paketić u kojem se nalazi pvc paketić sa sadržajem bijele NN materije, neto težine 5,035 grama, za koju materiju je vještačenjem utvrđeno da predstavlja opojnu drogu „kokain“ koja droga je pod rednim brojem 52. Liste opojnih droga iz tabele II „Tvari i biljke pod strogom kontrolom“ proglašena takvom, a koja opojna droga je pronađena od strane ovlaštenih službenih lica FUP Sarajevo, prilikom njegovog pretresa i pretresa pmv marke ..., reg. oznaka ..., a po naredbi za Općinskog suda u Zenici broj ... od 21.10.2025. godine, da bi dana 21.10.2025. godine u općini Novi grad, Sarajevo u kući koja se nalazi u ulici ... do broja ..., suprotno odredbama člana 4. stav 1., 2., 3. i 4., i člana 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao opojnu drogu i to: jednu pvc vakuum vreća u kojoj se nalazi pvc vrećica sa sadržajem zelene biljne materije, neto težine 104,687 grama, jednu pvc vakuum vreću zataljenu sa sadržajem zelene biljne materije, neto težine 792,69 grama, jednu pvc vakuum vrećicu omotanu pvc strech folijom sa sadržajem zelene biljne materije, neto mase 993,80 grama, jednu pvc digitalnu vagu, crne boje, sa crnim pvc poklopcem, kapaciteta 200g/0,01 gr, sa tragovima biljne prašine i bijele materije, jedno celofansko pakiranje oznake „VS 28300 Rolls“, u kojem se nalaze dva pakiranja-rolne pvc folija za vakuumiranje i jedan aparat za vakuumiranje bijele boje, oznake „SENCOR“, model SVS 1010WH, na kojem su vidljivi tragovi biljne prašine za koju materiju i tragove

je vještačenjem utvrđeno da sadrže psihoaktivnu komponentu tetrahidrokanabinol (THC), identično kao „Cannabis“, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom, a za tragove bijele materije na pvc digitalnoj vagi, crne boje, sa crnim pvc poklopcem, kapaciteta 200g/0,01 gr je vještačenjem utvrđeno da predstavljaju opojnu drogu „kokain“ koja droga je pod rednim brojem 52. Liste opojnih droga iz tabele II „Tvari i biljke pod strogom kontrolom“ proglašena takvom, koja droga i predmeti su pronađeni prilikom pretresa od strane OSL FUP Sarajevo, a na osnovu usmene naredbe Općinskog suda u Sarajevu, te istog dana u stanu koji koristi, a koji se nalazi u ulici ..., općina Vogošća suprotno odredbama člana 4. stav 1., 2., 3. i 4., i člana 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, to je i htio, pa je neovlašteno radi prodaje držao opojnu drogu i to jednu pvc vakuum vrećicu u kojoj se nalazi pvc vrećica sa sadržajem zelene biljne materije, neto težine 5,598 grama, jednu crnu metalnu drobilicu oznake „...“ u kojoj se nalazi biljna materija, neto težine 0,266 grama i jedan aparat za vakuumiranje, crne boje, oznake „Vacuum Sealer Home automatic packing machine“, na kojem su vidljivi tragovi biljne prašine, za koju materiju i tragove je vještačenjem utvrđeno da sadrže psihoaktivnu komponentu tetrahidrokanabinol (THC), identično kao „Cannabis“, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom, jednu malu svesku mekih korica, a koja droga i predmeti su pronađeni prilikom pretresa od strane OSL FUP Sarajevo, a na osnovu usmene naredbe Općinskog suda u Sarajevu.

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga, stavljam

PRIJEDLOG dokaza koje treba izvesti

....

Na osnovu člana 238. stav 4. i člana 78. stav 1. KZ F BiH, predlažemo da se od osumnjičenog Đ. E. oduzme opojna droga preostala nakon vještačenja i to: opojna droga „cannabis“ neto težine 988,456 grama, 2,061 grama, 12,115 grama, 104,650 grama, 5,573 grama, 0,244 grama, 792,61 grama, 993,72 grama, opojna droga „kokain“ neto težine 5,019 grama, te crna metalna drobilica oznake „...“, jedna pvc digitalna vaga crne boje sa crnim pvc poklopcem, celofansko pakiranje oznake „VS 28300 Rolls“, aparat za vakumiranje bijele boje oznake „SENCOR“ MODEL svb 1010wh, a koja opojna droga i predmeti se nalaze deponovani u FUP Sarajevo.